

憺園草卷下

錢唐鏤邪氏王錚藁

題韓五敬亭小照

幽棲饒勝賞坐愛白雲深山曉來西爽松
高下夕陰觀書窮奧旨啜茗助清吟會取
春先處梅花香在林

和劉向池同李潤源遊古霧慈宮元

韻

雲旗聞道赴幽尋，登眺同舒千里心。
鶴觀玲瓏松影裏，晴光捲翠落清陰。
春來何處散幽懷，小阜平臺引興佳。
一徑蒼苔連石磴，行行恰襯躡青鞵。
穆屈虬蟠任所如，多年老樹獨成株。
是誰物色風塵外，珍護雕闌一帶朱。

箕山潁水自移情，敢歎功名半不成。
只此一邱和一壑，登臨也可憫平生。

雕甍碧瓦隱重重，仙侶招邀到此宮。
千古靈慈遺廟改，感通猶在四民中。

拂拂和風鼓柳枝，欣逢朋好出遊時。
五星何必誇東井，相聚文才盛在斯。

悠然物外興堪乘，拂拭雲根試一凭。
客裏

若無詩酒伴三春遊事倩誰能
守真養性說丹鑪顧我形容欲漸枯妄冀
長生訪東老相將埒外問瀛壺
紛披瑤草與琪花眼底難尋思轉加邂逅
萍逢欣御李應知不羨五雲車

隔歲神交夢想疲

指向池

追攀未共踏榆皮

踏榆皮本顏真卿詩

獨憐玄武山前景我亦行吟得

和詩

袁浦八景

韓城春草

何處生春草春生韓城中幽意遍原隰一
望青濛濛滋以夜來雨交以遠來風物色
自今古客心豈異同王孫不得見于此思
無窮

馬廠桃花

言念和露姿何彼臨東道雞犬寂無村雲
霞燦晴昊含笑倚春風年年開自好我欲
來此遊茫茫阻幽討不見武陵人溪光散
清蚤

長堤烟柳

烟不從柳生柳自將烟貯一帶隱迷離長
堤望若阻春曉色不分但聞黃鸝語物象
本天工畫圖客寄與客子重離情徘徊此
其處

夾岸帆檣

兩隄束奔濤蜿蜒接河口轟轟見帆檣疾
向中流走旗布列天長雲移連岸陡奚必
羨浮槎乘風問牛斗卽此寄遐思凝眸日

己酉

雙橋夜月

雙橋三五夜流覽月華盈水跨兩虹見珠
懸合浦明魚龍爭戲影歌管度飛聲樂事
一以愜賞心還自并惜不達旦遊望望曷
勝情

東浦漁燈

烟波下夕陽漁唱歸來速繫纜楊柳灣燈
火交相續繁星亂遠灘錯落燈光煜魚鰕
樂生涯歡呼知聚族熒熒一水遙夜色招
遊目

黃河古渡

南北古要津來往人爭濟奔濤隔渡遙一
艇安危係喧瀧聲若雷響極三門勢昔我

憶園草 卷一 五
鼓枻遊飄然見孤詣敢誇彼岸登晴沙莽
無際

南村雪霽

側聞南畝間雪後饒晴景村舍玉裝成晶
光散千頃朝來策蹇尋幾忘風日冷心目
豁然清塵俗靡所騁回盼酒帘青寒拂茅
檐影

悼亡 有序

先室寧波司馬清河公長女也幼
而失恃惟秉父訓及長歸予家歷
卅六年如一日其間家運苑枯相
間事舅姑必執婦道雖爲疾病所
侵仍然婦職克盡迨至己丑十二
月廿九日竟成不起臨終猶以堂

上老母爲念鳴咽久之予中懷悲
梗成悼往詩十絕

偕歸曾記昔年秋
衡泌相依矢白頭
詎料玉京人忽去
鹿車誰復共夷猶
清河望重女儀傳
婦職無慙卅六年
刀尺聲殘虛午夜
雞鳴愁絕國風篇
病餘殘喘賴姑慈
顧復恩深再造時
畢竟

此生難盡報哀哀烏哺有遺思

衰盛循環理最明
甘心裙布與釵荆
愁霜笑我先侵鬢
不待閒居賦始生

藥爐經卷對斜暉
人事難將天意違
一語含情囑嬌女
彌縫還念敝羅幃

病魔底事故相侵
憔悴經年掩素琴
昏嫁未償兒女願
爭教回首不關心

雪虐風號急景馳蕭條滿目動悲思獨憐
杜若洲邊影夕攬何由問卷施

一棺留滯草堂偏總帳風妻悵隔年太息
麥舟誰解助松楸無計卜牛眠

招魂河上晚風酸望斷刀環月已殘顧影
自憐還自歎牛衣獨擁淚闌干

人世何堪說鼓盆敝幃殘篋悵空存鸞膠

已識弦難續香蕤頻頻望返魂

春日之洋河過吳荔亭新居留飲率

贈

紛擾厭塵俗卜築遠市喧結宇傍仁里周
旋接高賢酬唱嘔心錦墨雲飛硯田游藝
應心手讀書忘蹄筌承君高雅意欸洽倍
殷拳揮杯話疇昔一醉樂陶然離緒藉以

釋幽懷卽以宣快誦壁上詩澹沱有餘妍
淵明豈不云心遠地自偏

得東海女弟訃音寄簾

漠漠同雲障遠峰漫空飛雪舞殘冬不知
咏絮人何在鴻爪天涯感舊蹤

夏日過錢松坪夜坐率贈

勞生圯上兩年餘海甸重來慰索居訪舊

不辭炎日下論心恰愛晚涼初美人政暇

工酬句

松坪有和阜邑閻公雨後月明才
雖犬靜無人知是使君來之句

子官貧合著書

時著觚餘
稜識初成魏闕江湖雖異

轍應知况味總相如

瓶荷仍用前韻

荷光十里曉風餘分寄衙齋几上居入幕
客來香氣遠納涼人在漏聲初碧筒滿引

漿燒釀

東坎所釀漿
燒酒甚美

青管爭裁玉葉書雕

飾不施塵不染天然丰韻絕紛如

蒿亭閻公因簿書字跡密排難于披

閱作西江月一闕寄下以示意頗

屬風雅爰作詩以紀其事

目力隨年減殊嫌小楷工霧中花莫辨巖
下電虛矇字漫疑春蚓冰難語夏蟲長官

儒雅甚告誡寄詩筒

秋日留別大套錢松坪卽和送行原

韻

秋風驪唱不勝歌尊酒還叨卷白波臭味
投來蘭吹合襟懷爽徹碧天多依依別思
盈東坎渺渺歸心隔大河但願慈親身已
健百年願養髯皤皤

不圖借翰趁風翔暮景桑榆念北堂世事
難酬惟願海人情易好是歡場酒當話別
杯頻放詩到臨歧興忽狂暫爾分襟還倦
倦蒹葭秋水隔蒼茫

江行紀遊雜詠

衝寒遠泛一舟輕水宿風餐不計程忽聽
竹西歌吹起推篷知又近蕪城

舟次維揚

朔風吹度雁聲殘瓜步潮生夕照寒愁絕
蘼蕪江上路淒淒景色忍重看

過瓜洲有感

雨霏煙裊散遙空放眼江天曉色濛怪底
金焦山兩點模糊一片白雲中

京口曉發

蜀岡遺跡未經按覽勝還從白下遊不是
石尤能解事如何五日得停舟

金陵阻風

百尺危磯控上遊六朝形勝望中收飛飛

燕子今猶古送盡長江日夕流

過燕子磯

夕陽樓閣倚江汀一望層巖列翠屏捉月

漫嗟人已往千秋詩酒說仙靈

過采石磯望太白樓

暝色遙從隔岸催一灣燈火接山隈鳴鳴

畫角延江起爲喚行船夜泊來

蕪湖夜泊

沙迴遠淑通潮汐鷗泛晴波趣客程一路

詩懷消遣得看山直到皖東城

占抵安慶偶

自皖之霍山偶紀

舍舟迤邐皖之東路轉峯迴一逕通數里

旗亭行處醉不愁風日冷崆峒

隆冬天氣類殘秋小暖輕寒上客裘趁得

晴和行役去水村山驛莫淹留

白沙壁立擁崔巍鳥道千尋路曲迴道是

畏途還叱馭嶺雲一蹕首重回

驅車一入龍舒境萬疊青山障雁風過此
崎嶇輕蜀棧逢人不復問蠶叢

冬日遊諸佛菴

隔崦招提境幽尋物外綠竹森寒拔石松
古翠參天風磴迴殘雪巖扉鎖暮烟殷勤
逢老衲鐵限許周旋

元宵千羅署中柬韋齋

蕙轉光風淑氣滋

時立春
己三日

蹋歌又聽上元

時月臨北浦蟾蜍滿火照西山曼衍嬉

霍俗

迎燈者必先登山謁
廟是夕燈火不絕

香擘黃柑春味美

燒官燭夜眠遲與君共有天倫樂

時韋齋
乃郎亦

隨在
霍

相聚應忘故國思

山遊

侵曉極遐矚登臨歷翠微不愁屐齒折惟

惜園草 卷一
歸夕陽歸

溪行書所見

何處春風問若耶
靚粧藻野街山家
笑他緩緩蹋歌去
未到茶時唱採茶

客有以梅花枝條編籬者
占此惜之
位置因材貴合宜
雲屏錦障任施爲
如何
玉照堂前榦也作
陶家處士籬

霜條雪蕊帶冰痕
剪伐何堪障水門
牘有橫斜疎密影
依然扶月上黃昏

花朝日雨窻書感

連旬淫雨鎖窻紗
耐可花朝未見花
人到暮年情易感
春當好處願空奢
鬻蠶南市遺風遠
撲蜨西園舊會賒
往事已成蕉下鹿
此身何苦又天涯

初霽

陰霾匝月未開晴
雨點初停雪又成
侵曉忽聞乾鵲報
欣看紅日射牕明

春日遣懷

閒曹無個事盡日儘吟哦
春色已過半客心將若何
庭暄花氣足簷霽鳥聲多
靜領天機趣因時適性

性癖惟耽靜謀疎合剩貧
研田虛歲月吟盃老風塵
貫酒春嘗瓮尋花雨墊巾
曠懷行處得何必問通津

仲春廿八日接警堂弟札感占

關心最是北山薇
隔歲分攜悵未歸
春水一方人共遠
夕陽千里雁孤飛
情傷馬鬣封難卜
跡阻鷗羣浪失依
此日書來增太

息臨風不禁淚沾衣

僊人冲贈慶山上人

巨靈削僊崖却火還畱迹

山石燒灰甚佳傳由僊指點

中有老維摩夕磬下空碧

雲水憇高蹤煙嵐散遠峯捫蘿入林寺茶
品僊人冲

山前閒步卽景

四圍山翠遶散步夕陽斜晚渡僧歸院晴
溪鳥浴沙泉流穿竹徑風色老梅花曠覽
詩添興行吟問酒家

上巳日偶成

堂堂時值躡青辰芳草天涯入望頻藻野
有誰還贈芍裊川無客共嬉春永和已往
蘭亭遠癸巳重經白髮新顧我不才樗散

八空將觴詠邇前人

夜坐旅感

濫竽河上歲寒更忽忽春風過霍城纔放

花應微索笑不平山或有時鳴

霍邑山氣上升聲如

巨雷土人云由來已五六年矣

求伸夔伏心難隱感激烏

私夢易驚無限客懷千里月一鈎如畫望

中生

寬夫赴千羅前後畝查保聞頗有政

聲喜占

籃輿經歷處山徑盡崢嶸按籍初行部巡
邊爲省耕麥深馴隴雉花暖轉林鶯遐邇
民爭識欣聞有頌聲

亦足當民社休嫌祿最微省刑心近厚折
獄理無違國事兼家事斑衣雜彩衣一身